

# MME AKPATRE UFEN ITIABA

Eriyarare 15:1-8, 16:1-21

QYQHỌ UKPEP-ŃKPỌ 463

Eke Mkp̄arawa

**IKỌ IBUOT: Edi akpanikọ, O Ọbọñ Abasi, Andikara kpukpru ñkpọ, mme ikpe Fo enen enyuñ edi akpanikọ” (Eriyarare 16:7).**

## Mme Ikwọ Itoro

Ke ofuri Nw̄ed Eriyarare efiori ebaña mme itoro emi enyenede mmọ emi efakde, nte enye ọkpuhọre ye mme ntuaña ye isuñi emi ebetde mmọ emi esuade Abasi, enyuñ esinde ndisuk ibuot nnọ Enye. John ama ewet ete ke ini ekedọhọde imọ iwuk enyin ise Heaven imọ ima ikut Ebekpo emi Andikpe ikpe ofuri ererimbot etiede ke esit. Ke iso Ebekpo ama odu inyañ a-glass, esem nte crystal (Eriyarare 4:6). Enye ama okut Nw̄ed emi ekefikde ufik-ñkpọ itiaba, emi edide Eyen-erọñ ikpọñ okodot ndikubọre. John ama okut nte enwañade mme enyene ndik ubierikpe eduok ke iso isọñ ke ini ebuñde mme ufik-ñkpọ itiaba oro kiet-kiet. John ama okop nte ukorowo itiaba esiorode uyo ke ini enọde mme ubierikpe efen eke enyenede ndik ekan eke akpa. Nte esuk enọde ubierikpe. John ama okut ke nsio-nsio idaha nte udim mmọ emi efakde edude ke emem ke Heaven, ndien mmọ enyuñ ekwọ mme ikwọ itoro.

Ke ọyọhọ ibuot 15 nnyin ikot ibaña ñkukut John abañade mmọ emi efakde edade ke mben inyañ glass emi abuahade ye ikañ ke ini emi. Edi mmọ ke nnyin ikokot ibaña ke ukpep-ñkpọ ini edem, oro edi mmọ emi ekesañade ebe ke mkpọsọñ ikañ-ikañ idomo, ndien enyuñ ewot mmọ ke ntak Ikọ Abasi sia mmọ ekesiñde ndibọ idiọñọ unam. Mi ke John okokut mmọ ke Heaven, edade ke mben inyañ glass, ekwọ, enyuñ ebre mme harp.

## Moses Ye Eyen-erọñ

Nso ikwọ ke mmọ ekekwo? Ikwọ Moses owo Abasi, ye ikwọ Eyen-erọñ. Afo ekere ete mmọ ekekpep ikwọ Moses ke mmọñ? Ke akpanikọ edi ke Nw̄ed Exodus emi ewetde ikwọ itoro emi Moses ọkwọde ọnọ Abasi koro Abasi emende akamba udim mme Jew ebe ke Ididuot Inyañ onyuñ akande mme asua mmọ.

Ndien ini ewe ke mmọ ekekpep ikwọ Eyen-erọñ? Ekeme ndidi ke ini emi ekefakde mmọ oto ke akamba ekom-urua ufak emi Jesus. Eyen-erọñ Abasi ekekpede ke ibuot mmọ ye nsọñ-urua Iyip Esie. Ema enam mmọ ekan unam oro emi andidiok okosiode onim nte owo emi akarade ererimbot ke ọkpọsọñ ubok, ndien John ama okut nte mmọ ebrede ndiye harp Abasi ke ini mmọ ekesuk ekwọde, “Mme utom fo ekponi enyuñ enyene ndyọ, O Ọbọñ Abasi, andikara kpukpru ñkpọ; Mme usuñ Fo enen enyuñ edi akpanikọ, O Edidem mme obio.”

## Iyaresit Abasi

Ke ndo-ndo oro ekeberede usuñ Itie-ukpono Abasi Heaven, oro edi Itie-ukpono Abasi emi Abasi okowukde Moses ke ini emi mmọ ekesobode kiet ye eken ke Obot Sinai. Abasi ama ọdọhọ Moses anam kiet eke ebietde enye ọnọ Nditọ Israel. Ke ini usuñ oro ekebererede, mme angel itiaba emi ekesinede edisana afia edisine-ñkpọ linen, enyuñ ebọbọ mbọbọ o-gold, ema eto ke Itie-ukpono Abasi oro ewọñọ. Ema ayak eso, oro edi kọp emi ọyọhọde ye iyaresit Abasi enọ mme angel itiaba emi kiet-kiet.

Nnyin imokot ito Nw̄ed Abasi ete: “Abasi onyuñ ayat esit (ye mme idiok owo) kpukpru usen” (Psalm 7:11), ndien ke ofuri idaha toto ke eritọñọ ererimbot ata ediwak owo eyat Abasi esit oto ke ibak ye nsọñ-ibuot mmọ. Ndien ke abaña mmọ emi esuk esọñde obot-itọñ esin nditua mkpọfiok nnyuñ mfuho mbaña mme idiok-ñkpọ mmọ, eyeñwaña iyaresit Abasi eduok mmọ.

Mme owo ke isọñ ikọfiokke ete ke mme angel emi ema edu ke mbeñeidem ndiñwaña eso iyaresit Abasi nduok. Mmọ ekesuk eka iso ye mbubehe mmọ nte ekam esidide. Edi nso idi idiọñọ oro ke esit eka-ubok, me, ke ọkpọ-iso mmọ? Enye edi idiọñọ emi mmọ ekebode man ekeme ndidep me ndinyam ke ini mmọ ekekade urua emi enyamde udia, itie emi enamde ñkpọ-mbana ufok me ke ọtọ andinyam ubom isọñ. Mme andinyam ikekemeke ndinyam nnọ owo ekededi emi mikenyleneke idiọñọ emi owutde ete ke enye ama osuk ibuot ọnọ

ukara ye ibet unam oro. Mmọ ema ekpe ebere ete ke edi ata akpan nkpo ndidep udia, ndidep nkpo-mbana ufok, ndidep ubomisoh akan ndinam akpaniko ye Abasi Heaven.

### **Eñwaña Mme Eso**

Ndo-ndo oro, mmọ emi ekebođe idiño unam oro ema ekut mme ikpo idiok oyo ke idem mmọ. Akpa angel, ama añwaña eso esie. Ndien mme awat inyañ ema edemere ke usen-ubok kiet ekut ete ke inyañ ama akabare edi iyip. Kpukpru unam mmọñ, kpukpru iyak, kpukpru ikpo unam mmọñ ema ekpaña koro mmọñ ikoduhe. Oyohọ angel iba ama añwaña eso esie oduok ke enyoh inyañ. Mme owo ke mme ikpo ye mkpri Obio ikekwe nkpo efen ke mibohoke iyip nte oworode oto ke mme itie mmọñ mmọ koro oyohọ angel ita ama oduok eso esie ke mme idim ye mme akpa, ndien mmọñ ama akabare iyip. John ama okop angel efen etiñde onọ Obon ete ke enen eti-eti utọ enyene-ndik nkpo ntem nditibe, koro mme idiok owo ema ewot ema enyuñ eduok iyip nti ikot Abasi, ndien emi ekedi nnen-nnen ubiere-ikpe onọ mmọ.

Ndien utin ama oworo edi onyuñ ofiop ikañ-ikañ, ndien mme owo ekut ufen koro utin ofopde mmọ ikañ-ikañ. Edi utu ke mmọ ndikabare esit nnyuñ mbeñe mbom Abasi, mmọ esoh ibuoť ye Abasi enyuñ esuñi enyiñ Esie. Ke ini idiok oyo osuk otuhorede mmọ ye ke unana mmọñ ye ikañ-ikañ edifop eke otode utin, enyene ndik ekim ofuk obio uboh emi unam oro akakarade, ndien mme owo eta edeme mmọ ke ntak ubiak. Kpa ye oro mmọ ikakabakere esit, edi esuñi Abasi.

Mme angel ekesuk ekaka iso eñwaña mme eso mmọ, ndien akwa akpa Euphrates akabare asat. Mme Spirit andidiok emi ebietde mme ikwot ema ewohọ eto ke inua dragon emi edide andidiok, ye ke inua unam oro, ye ke inua nsu-nsu anditiñ ntiñ-nnim ikọ. Spirit mme demon emi ema enam mme ikpo idiño enyuñ ekpak ndidem isoh man esobo ke ebiet kiet ke Palestine emi ekotde itihere Megiddo (2 Chronicles 35:22). Ndidem edem usiaha-utin ikodiñoke ibaña se ikotibede ke Heaven, edi ema etim afañ enim man edi mmem-mmem mmọ ndika ke Palestine. Mmọ ikofokke ete ke Jesus eyedi do ye ata ediwak ndisana ikot Esie. Mmọ nko inyuñ ifiokke ete kpa ke ukem ini emi eyeñwaña akpatre ye oyohọ eso ubiereikpe Abasi itibať eduok. John ama okop okposoh Uyo otode ke Itie-ukpono Abasi emi odude ke Ebekpo ke Heaven, nte ofohode ete, “Ama okure ama.”

Ekop mme uyom ye obuma, ye enireñ-mireñ, ikpo edim itiat emi udop mmọ kiet-kiet akande pound ikie, ye ata akamba unyek-isoh emi akanam owo mikopke ibaña. Nte akanam afo emenyene ifiok abaña unyek-isoh? Afo emekeme ndifehe mbine eto, mme, adaha efen ntre man ekeme ndisoh nda, edi enye ke idem esie enyenyek nko. O, sese nte owo midikwe unwam ke ini Abasi enyene isoh!

Unam oro, mme anditiene enye, ye ndidem isoh, ye kpukpru mme idiok odudu ibak ererimbot eduo oto ke odudu Edidem ndidem, Oboh Jesus Christ, kpa Eyen-eroh Abasi. Enye owot mmọ oto ke ibifik inua Esie, onyuñ ada eriyarade eridi Esie osobo mmọ (2 Nwed Thessalonica 2:8). Mme ubiere-ikpe ekure.

### **Nte Ino**

“Sese, ndidi nte ino; ofofon onọ owo eke esinede edisine nkpo etie ekpeme.” Jesus edidi iwiwa, ke owo midorike enyin, nte ino. Eyedi usen idara onọ mmọ emi emade Enye enyuñ ekpemedede edisine-nkpo erinyaña mmọ; edi ama edi mmọ emi esinde enyuñ esohde ibuoť, eyedi usen nduo-esit, afanikoh ye ukut eke owo baba kiet miyomke. Ewe ke enye edidi onọ fi, akwa ndik mme akwa idara?

### **MME MBUME**

- 1 Nso oruk owo ekedu ke Heaven edade ke mben inyañ a-glass, ke ekama mme harp Abasi?
- 2 Nso ikwot ke mmọ ekekwoť?
- 3 Mme anie ekewohọ edi eto ke inua-usuñ Itie-ukpono ke Heaven emi ekebereredeť?
- 4 Nso utọ edisine-nkpo ke mmọ ekesineť?
- 5 Nso ke okposoh Uyo emi okotode Itie-ukpono oworo eketiñ onọ mme angel itibať?
- 6 Nte mme owo ke isoh ema ebeñe idem ebet mme akwa ubiere-ikpe emi ekeñwañade eduokť?
- 7 Nte mmọ ema etua mkpofok ke abaña mme idiok-nkpo mmọ ke ini mme ufen oro ekesimde mmọ kiet-kietť?

- 8 Nso ikoson̄o ndidem ison̄ idem man edi ke Palestine?
- 9 Nso ikedi akpatre akwa ufen, n̄ko nso ikedi edinam mme owo ke abañā ufen emi?
- 10 Ke nso utọ usuñ ke Jesus edidi?